

## De Eimstocker Kapell ETR gibt's fei immer noch

... wenn aa inner abgespacktn Version - nár noch mit ne Klaus (fast 82!) un Friedemann – aber die spieln immer noch ab un zu! Mir ham do itze mol e klaans Büchl ieber de Geschicht vu den 60 Gahrn mit viel Bildle zamgestellt, do sei fei dorwagn mit aller Schreiberei 112 Seitn zamkumme! Dodormits aa stimmt, eh iech allis neigemaahrt hab, war iech bei jedn Musikant noch emol dortn un hab e klaans Intervju mit ihne aufgenomme. Is muss ja jeder eivorstandn sei, vor alln aa mit de Bildle.



Des Ganze hat zwar ...zich Stündle in Aaspruch genumme, aber is macht halt aa mol Spaß un mor blebbt in dor Dorinnerung. Mir ham uns viergenumme, in schenn Musikobnd ze gestaltn un dodorzu sei alle eigelodn, die uns noch emol hern un vielleicht aa su e Büchl als Aadenkn mitnamme wolln. Dar Termin werd rachtzeitig im Togblatt bekannt gabn. Bis dohie – eier Schmitti



### FAHRDIENST

Wer am 07.04.2022 abgeholt und auch **wieder nach Hause** gefahren werden will, der möchte bitte bis 17:00 Uhr anrufen:

**Karin Bauer, Tel.: 3641**




Erzgebirgischer Heimatverein  
Eibenstock e.V.  
Otto-Findeisen-Str. 14  
08309 Eibenstock

Tel. 037752 / 2666 oder 2141  
Internet:  
www.heimatverein-eibenstock.de

Bankverbindung:  
Erzgebirgssparkasse  
IBAN: DE90 8705 4000 3892 2072 58  
BIC: WELADED1STB


# Unner Blatt I



Nummer  
205

Mitteilungsblatt des  
Erzgebirgischen Heimatvereines  
Eibenstock e.V.

April  
2022



**Unner Bargbaulehrpfod mit alle 3 Bauabschnittle**

## De Wurzlruði-Bastelei

Selch ganz vorschiedne Wurzlrudimanne – schie aazesah!

Aber wie warn dä die zamgebastlt? Des konnt uns de Göbler, Undine, die dodormit schu ne ganze Weil vortraut is, ganz genau zeign un dorklärn. Zenächst ham siech e paarle vu uns im Bastlzimmerle eigefundn. Des is ganz ubn, unnern Dach in unnerer Turist-Info. Do standn in ganzn Haufn Schachtele un Bacherle rim mit lauter Aanzeltaaln vu de Rudis: Sekt-korkn, Zahstocher, Filzzeich, schmole bunte Stoffadle, eweng Farb un Leim suwie e ganzer Haufn Dekozeich wie Tannezappn, Kastanjen un getrocknts Pflanzzeich wie aa noch viel vorschiedns Holzzeich. Allermacht, dacht iech – wie sölln dä do draus söliche schenn Wurzlmannle warn?

Do sei ja e schiens paar Handgriffle nutwandich im erscht emol e paar Grundelementer hiezekriegn. Un e bissl Geschick möcht mor aa noch dorzu hobn! Aber esu schlimm is des gar net. Wu mir e bissl mit probiert ham, kunnt mor schu dorkenne, des des ne schiene Bastelei is, was aangtlich e jeder kaa. Is ham siech schu e



paarle vu uns gefundn, dene des Spaß macht un die aa dorbeibleibn wölln. Nu suchn mir aber noch e paar Leit, die ab un zu do aa mol mitmischn möchtn. Do muss mor net dauernd Stundn dortn hockn, des gieht, wies jeder halt machen kaa. E paar Vübereitungs-

Dingle ka mor aa obnds dorham machen, wenn mor su imesist rimsitzt. Des ganze Drum un Dra luhnt siech schu desserhalb, des unnere Feriengäst, die ze uns nooch Eimstock komme, aa e klaans Aadenkn mit eham namme kenne. Un sugar vor unnern Verein luhnts: do kriegn mir aa ewos dorvu ab.



## Wir gratulieren unseren Heimatfreunden

Matthias Schürer	am 01.04.	zum 65. Geburtstag
Lothar Jung	am 14.04.	zum 68. Geburtstag
Antje Haustein	am 22.04.	zum 59. Geburtstag
Elke Schürer	am 26.04.	zum 62. Geburtstag
Bernd Baumgärtel	am 28.04.	zum 77. Geburtstag



*Ein kluger Mann  
macht nicht alle Fehler selber -  
er gibt auch anderen eine Chance  
- Winston Churchill -*

*Die geplante Betriebsbesichtigung im  
Elektrowerkzeugbau Eibenstock  
wurde leider auf Grund der  
aktuellen Corona-Lage seitens  
des Betriebes vorerst abgesagt.*



*Die Betriebsleitung betont jedoch ausdrücklich, dass diese  
Besichtigung auf jeden Fall zu gegebener Zeit nachgeholt  
werden kann.*

*Mir traffn uns deshalb wie gewohnt um 18.00 Uhr  
im Vereinshaus zen Hutznobnd mit Musik!  
Do gibts is Neieste vu Vorännerunge in unnern Jahresplan.*



*Vorschau:  
am 5. Mai, 18.00 Uhr,  
is Spieleobnd  
im Vereinshaus*

## Noch e bissl Winter un de schiene Haamit

### Es liebste Flackl

Es liebste Flackl of dare Walt  
is dort, wu iech har bi,  
is wachsn wuhl nār Vuglbeer  
- un die bleibn oft halb grie.  
Un dauert aa dor Winter lang,  
brengt nischt wie Schnee un Kält,  
su is un bleibts mei Haamit doch  
wu mirs su gut gefällt.

Anton Günther (1902)



### Unner Haamit

De Zessing, is Rehle,  
de Lerich ofn Fald,  
des is se, de Haamit,  
des is unner Walt.  
Wenn Sorgn mol su gruß sei,  
is Labn ne Plog,  
noochert fahln dir de Walder,  
de Barg un de Sproch.  
Ob Sommer oder Winter,  
se is immer schie:  
Su is unner Haamit  
mol weiß un mol grie.  
Do e Schmatterlich an dor Blum,  
dort e Kaafer am Baam.  
Sogt, kaas od dor Walt  
e wos schenners noch gabn?  
Wu e Mensch hiegeborn is,  
ginne Wurzl'n tief nei.  
Un des werd for jedn  
de Haamit nār sei!  
Jürgen Hermann

## Noch emol zen Jahresplan

De Planerei for unner Aktivität im Verein is nu ganz schie vorakumme, is gibt aber immer wieder Bedarf, eweng ze ännern oder ozewartn. Su ham mir itze erscht emol in Termin mit dor Schwarznbarger Eisenbah ausgemacht, des wär dor 15. Oktober. Mir hoffn, des die do aa fahrn derfn, un wenn, setzn mir uns mit nei! Do müßtn mir mit PKWs frieh nooch 8 lus bis donieber un kurz nooch 9 mit dem Züchl lusfahrn, in halbn Tog in Annaburg vobrenge un noochmittich gegn 4 wieder ehamzüchln. Besonnens in Markersbach ieber die gruße Brück ze tuckern macht Laune!



Des wird bestimmt schie, hoffntlich gelings!

Des annere Heileit is of jednfall dor **Mundartstammtisch im Q-Stall!**



### Arbeitskreis „Mundartautoren“

Jed's Gahr kimmt e neies Gahr,  
su wie's ja meitog schie war.  
Unner Mucken, unner Falten  
un mir selber bleibn de Alten!

Monika Tietze

Esu tunne die des bei all ihrn „Arzgebirgsdichtern“ aakündign: Dies Gahr in Schwarznbarg, Hormersdorf, Pöhlbarg, Ehrnfriedersdorf un am **Donnerstich, in 16. Juni bei uns in Eimstock!** Des miss mor besonnensch akriebisch vübereitn, weil – do komme ja aus unner ganzn Arzgebirg de „Dichter“ zam un bereitn uns in schenn lustign Obnd. Des wolln mir aa im Togblatt aakündign, do gibt's ja bestimmt außer uns noch annere Leit, die siech suwos net entgieh lessn wolln. Vielleicht kenne aa Eimstocker dodorzu ewos beitrogn? Musikantn sei of jedn Fall do aa mit dorbei, su des des ganz bestimmt e schiener spannendor Obnd wern kennt. Seid gespannt drauf!

## Schie wars wieder im Vereinshaus!

Endlich konntn mir wieder in unnern Treff-Vereinshaus beienanner sitzn!

Gelei an Aafang wurd e neies Mitglied willkomme gehaaßn, de Ulrike Maixner, un is saß noch jemand neies mit in unnere Reihn, die war erscht emol zen schnuppern dorbei, aber iech denk, die werd schu bei uns richtich landn, un zwar de Vogt, Brunhilde.

Dann hatt iech schu mol ne Runde Sekt eischenkn lessn, do hatt iech ja in Auftrug vun Mehlitz – Ernst, un dar hatt widerim is Vorsprachn eihaltm müssn, des ne unnere Spitzner-Ingrid aufgetrogn hat. Also, mir hattn ze tu vu Aafang aa...

Endlich kam unner Hauptpunkt dra: Wie giehts wetter mit unnern Bargbaulehrpfod? Do soll doch dor 2. Abschnitt gebaut warn?

Dodorzu hattn mir uns unnern Bargbauprojektmanetschor, ne Helm Thomas eigelodn.



reign. Un so ging des allis wunderbar, mir wissen itze jednfalls, wie dor Weiterbau passiern söll – vorausgesetzt, mor kriegn aa wieder die Fördermittle zugetaalt. Vorplant hatt se dor Thomas schu allemol.

Zügich gings mit nern fein Obndbrut noocherts vora – feins Gehacks mit Butter un Bemme samt Beilogn.

Immer mittn nei bein Assn – do wu se alle schie ruhich sei un net su viel un laut gackern – konnt iech noch e paar Bemerkunge aasogn, wie zen Beispiel: - des mir uns ab sofort mit aller Macht in de Wurzlrudi – Bastelei neihänge. Des war ne Bitte vu unnern Bürchermaaster, die



Sach muss annersch gereglt warn, ansinstn kenne die nimmer hargestellt un for de Turistn aus nah un fern aagebutn warn. Meh dodorzu kennt ihr of dor Seit 2 noochlaasn.

- de Voraakündichung vu dor Betriebsbesichtigung bein Bohrmaschine-Ditter – (Elektrowarkzeichbau) - an 7. April.

Wu unnere fleißng Bienle vom Treff alle Taller wieder eigesammlt hattn, ham mir de Filmle vun Fasching 2022 gezeichnet, die iech kurz zevür zamgestellt un zamgeschnietn hab. Also vorstieht miech emol



richtich: net mit Masser un Gabl in fünf Minutn, naa mit nern Programm am Kompjuter, des dauert schu e ganzis bissl länger: Alln vora unner gespielts Märchn von Wolf un de 1 bis 7 Geislein un dann nochn Film mit sämtling Bildle vu unnern Rainer un mir. Viel ze dorzähl'n gobs ja allemol wieder,



un zwischnei wurn noch epaar Bildle mit Musik von unnern Skihang gezeichnet, wie aa wunnerschiene Aufnahme vu unnern Eimstock iebers ganze Gahr 2010 wag, die warn allesamt dozemol vu unnern Müller, Peter aufge-



numme wurn. Su is do draus aa wieder e gelungner Hutznobnd wurn, när – mir ham net gesunge, iech hat vorgassn mit unnerer Voreinshymne aazefange. Aber wart när – is nächste mol müsst ihr wieder allezam mit eistimme:



„In Eimstock, in Eimstock...“ Bis dohie – blebbt alle gsund un ölt eire Stimm (uhne Öl ze hamstern!) - eier Schmidt